

# O o Tatou Aiga I le Muai Olaga, Olaga Faitino, ma le Faavavau

## O Lo Tatou Aiga I le Muai Olaga

“O le aiga ua faauuina e le Atua. O le iunite sili lea ona taua i le olaga nei ma le faavavau. E oo lava ae tatou te lei fananau mai i le lalolagi, sa avea i tatou ma vaega o se aiga. O i tatou taitoatasi 'o se atalii po o se afafine agaga faapelepele o ni matua faalelagi' ma 'se natura paia ma se taunuuga' (“O Le Aiga: O Se Folafolaga i le Lalolagi,” *Ensign* po o le *Liahona*, Nov. 2010, 129]. O le Atua o lo tatou Tama Faalelagi, ma na tatou ola faatasi i Lona afioaga o se vaega o Lona aiga i le muai olaga. O iina na tatou aoao ai a tatou lesona muamua ma na saunia ai mo le olaga faitino (tagai MF&F 138:56)” (*Tusitaulima 2: Taitaiina o le Ekalesia* [2010], 1.1.1).



“Tatou te tapuai i le Atua sili na foafoaina le atulaulau. O la o lo tatou Tama i le lagi. Ua tatou i ai nei ona o ia; o i tatou o ana fanau agaga. Na tatou nonofo faatasi ma ia i se muai olaga i se sootaga faaleaiga. Na tatou iloa lelei o ia e pei lava ona tatou iloa o tatou tama faaletino i lenei lalolagi o loo tatou i ai” (Bruce R. McConkie, *How to Worship*, Brigham Young University Speeches of the Year [Iulai 20, 1971], 2).

Fesili e Talanoaina:

- Na faapefea ona avea le aiga o se vaega totonugalemu o lo tatou olaga i le muai olaga?
- E faapefea ona fesoasoani le iloa o le Atua o lo tatou Tama ma o oe o se tagata pele o Lona aiga i le muai olaga?
- O le a lau vaaiga faalemafau fau pe na faapei la outou fegalegaleaiga ma ou matua Faalelagi?

## O Lo Tatou Aiga Faaletino

“O se vaega o le fuafuaga a lo tatou Tama Faalelagi, na tatou fananau mai ai i ni aiga. Na ia faavaeina ia aiga ia tatou maua ai le fiafia, e fesoasoani ia i tatou e aoaoina mataupu faavae sa’o i se siosiomaga alofa, ma ia sauniuni ai i tatou mo le ola e faavaau.

“Ua i ai i matua le tiutetauave taua e fesoasoani i a latou fanau e sauniuni e toe foi atu i le Tama Faalelagi. E faataunuuna e matua lenei tiutetauave e ala i le aoaoina o a latou fanau e mulimuli ia Iesu Keriso ma ola ai i Lana talalelei” (*Tusitaulima 2: Taitaiina o le Ekalesia*, 1.1.4).



“O le Atua na fuafuaina le aiga. Na ia fuafuaina o le fiafiaga sili, o mea e sili ona faamalieina o le soifuaga, o le olioli e sili ona faalolotoina e tataua ona sau mai i a tatou fegalegaleaiga faatasi ma o tatou popolega mo le tasi ma le isi o ni tama ma ni tina ma le fanau” (Gordon B. Hinckley, “O E Ua Faatasia e le Atua,” *Liahona*, Iulai 1991, 80).

Fesili e Talanoaina:

- O a auala e avea ai le aiga o se vaega totonugalemu o lo tatou olaga faitino?
- E mafai faapefea ona ese le olaga i le lalolagi pe ana faapea e auina mai i tatou i le lalolagi o ni tagata e aunoa ma ni sootaga faaleaiga—e leai se tama, se tina, uso ma tuafafine, tuua, po o fanau?
- O a ni aafiaga na fesoasoani ia te oe e malamalama ai i le matafaioi ma le taua o le aiga i le olaga faitino?

## O Lo Tatou Aiga e Faavavau

“O le fuafuaga paia o le fiafia, ua mafai ai ona faaauau fegalegaleaiga faaleaiga i tala atu o le tuugamau” (“O le Aiga: O se Folafolaga I le Lalolagi,” *Ensign* o le *Liahona*, Nov. 2010, 129).



“Ao faalagolago lo tatou faaolataga patino i lo tatou usiusitai patino, e faapena foi le taua ona tatou malamalama o i tatou taitoatasi o se vaega taua ma tutotonu o se aiga, ma e mafai ona maua faamanuiaga maualuluga i na o totonu lava o se aiga e faavavau. Pe a faagaoioia aiga e pei ona fuafuaina ai e le Atua, o vafealoai e maua iina o ni vafealoai e sili ona taua i le olaga i la le tino. O le fuafuaga a le Tama ia faaauauina e faavavau le alofa ma le mafutaga faaleaiga. O le lotogatasi i le aiga e tauaveina ai ma se tiute maoae o le tausia, alofa, siitia ma faamalosia tagata taitasi o le aiga ina ia mafai e tagata uma i le amiotonu ona tumau e oo i le iuga i la le tino ma mau faatasi i le faavavau atoa. E le lava le tau na ona faaolaina o i tatou lava. E faapena foi le taua i matua, uso, ma tuafafine ona faaola i o tatou aiga. Afai tatou te foi atu taitoatasi i le Tama Faalelagi, o le a fesiligia i tatou ‘O fea o i ai isi o le aiga?’ O le ala lena tatou te aoao atu ai e faavavau aiga. O le uiga faavavau o se tagata, e avea ma se uiga faavavau o le aiga” (Robert D. Hales, “O le Aiga e Faavavau,” *Liahona*, Ian. 1997, 76).

Fesili e Talanoaina:

- O a ni aualea e avea ai le aiga o se vaega tutotonu o lo tatou taunuuga e faavavau?
- O a ni faatinoga amiotonu e mafai ona faia e tagata o le aiga e aumaia ai le faaolataga o le tasi ma le isi?
- O anafea na siitia ai pe na faamalosia ai e se tagata o le aiga oe i se ala na uunaia ai oe e tumau e oo i le uiga?

